



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XXX. Statuta pro tribus Cœnobiis Recollectionis Provinciæ Bœticæ Tertii  
Ord. S. Francisci.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

tores, ac ejusdem S. R. E. Cardinales, etiam de Latere Legatos, Vice-Legatos, ac Sedis Apostolicæ prædictæ Nuntios, judicari, & definiti debere; irritum quoque, & inane quidquid secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac quibusvis Apostolicis, ac in Synodalibus, Provincialibusque, & universalibus Conciliis editis specialibus, vel Generalibus Constitutionibus, & Ordinationibus, necnon Regularium Domoꝝum, locorum, & Ordinis hujusmodi, etiam Juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque Indultis, & Literis Apostolicis primodictæ Ordini, illiusque Superioribus, & personis in genere, vel in specie, ac alias sub quibuscumque tenoribus, & formis, ac cum quibusvis Clausulis, & Decretis, etiam iteratis vicibus quomodolibet concessis, approbatis, & innovatis. Quibus omnibus, & singulis, etiam si pro illorum sufficienti derogatione alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illis alias in suo robore permansuris, ad præmissorum effectum hac vice dumtaxat specialiter, & expresse harum serie derogamus, cæterisque contrariis quibuscumque.

§. 5. Volumus autem, quod ipsarum præsentium Literarum transumptis, seu exemplis, etiam impressis, & alicujus personæ in Ecclesiastica dignitate constitutæ sigillo, & Notarii publici manu ob signatis stetur, eademque prorsus fides in Judicio, & extra adhibeatur, quæ eisdem præsentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXVII. Junii MDCXCIII. Pontificatus nostri Anno Secundo.

XXX.

Confirmatur Decretum Congreg. Ep., & Reg. approbans quedam Statuta pro tribus Cœnobis Recollectionis Provinciæ S. Michaelis in Bætica Tertii Ord. S. Francisci.

*Inn. XI. Const. ed. 1685. Apr. 16. P. 9. extat Decretum aliud circa electionem Officialium. Et hujus Pontificis Const. ed. 1693. Nov. 19. P. 3. confirmatio erectionis præd. Cœnobiolorum.*

Dat. 15. Aug.  
1693. An. 3.

INNOCENTIUS PAPA XII.

Ad futuram rei memoriam.

Statuta  
præd. condi-  
ta fue a  
Diffinitorio  
Provincia.

Nuper pro parte dilectorum filiorum Ministri Provincialis, Custodis, & Diffinitorum Provinciæ S. Michaelis in Bætica Fratrum Tertii Ordinis Sancti Francisci Congregationi Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium propositæ exposito, quod ipsi alias tres Conventus *Recollectionis* nuncupatos in eadem Provincia erexerant ad hoc, ut ii Religiosi, qui in eo secessu vitam transigere, ac Altissimo absque ulla perturbatione famulari cupiebant certos, & determinatos Conventus haberent; verum, quia pro felici *Recollectionis* hujusmodi directione nullæ aderant specialiter constitutæ Leges, Diffinitorium d. Provinciæ ad tam salutarem Institutionem constabiliendam juvandosque eorum, qui eam amplexi fuissent, in via Domini progressus, nonnulla ediderat Statuta tenoris, qui sequitur, videlicet.

*Constitutiones pro Conventibus Recollectionis Provinciæ Andalucie Religionis Tertii Ordinis Penitentiae S. Francisci, videlicet Conventus Domina nostræ Canonicos Sanctos fundati intra terminos Ville de Olvera Diœcesis de Malaga, Conventus S. Joannis Baptista de Moranina intra terminos Villa de Bollulos del Contado; ac Conventus S. Joannis Baptista de Alfarache extra muros Bætica, ambo Diœcesis Bætici Archiepiscopatus.*

In primis. Ut illa celsitudo sanctissimæ paupertatis conservetur, ordinamus, & statuimus, ut Communitas obligata maneat ad providendum quæque necessaria singulis Religiosis præmemorata Reformationis, quin aliquis ipsorum nec sub necessitatis prætextu absque Provincialis speciali licentia, possit ad ullius rei usum, habere recursum.

Secundo. Quod constituatur in quovis Conventu locus, ubi cuncta necessaria pro Regulari vestitu reponantur, videlicet habitus, pallium, tunica, Tunicellæ, & cætera sic.

Tertio. Statuitur ut taliter in hisce honesta nuditas, ac seraphica paupertas observetur, quod nullus Religiosus pluribus induatur, quam interiori una lanea tunica, tunicella una, femoralibus de lino, habitu latitudinis sexdecim palmorum, talari, ut in Regula præscribitur; ac mantello ad habitus proportionem abbreviato, & quoad calceamenta singuli portabunt sandalies usque ad calcaneum apertas.

Quarto. Statuitur, ut Religiosi in Cellis rebus curiosis, aut ornatum construentibus non utantur; itaque dumtaxat habebunt Crucem ligneam, tabulatum, aut arundineum lectulum, duo stragula, unum pulvinar, duas sedes humiles, parvulam unam mensam, & circa librorum usum, eos apud se habere poterit, quos juxta exercitium, & capacitatem Rev. Patris Provincialis sufficientes censuerit.

Quinto. Statuitur, ut Religiosorum nemo per se, aut per interpositam personam possit retinere Missarum elemosynam, sed debeat quamcunque eam Prælato manifestare, & exhibere, & tunc Prælatus ei facultatem præstabit, ut illas Missas juxta declaratam necessitatem applicet.

Sexto. Statuitur, ut in Matutinis media nocte inviolabiliter per singulos dies Deum benedicant, quin in toto Anni curriculo aliquando dispensetur tam caelestis hora, in qua a Regalibus Sedibus Altissimus venit, inter Sacratissimæ Virginis brachia primus intonuit, surgens in requiem suam, & noctem sicut diem illuminare monstravit. De cætero Divinum Officium paulatim, reverenter, ac devote recitetur, nec ulla dies absque Missa Conventuali pertranseat.

Septimo. Statuitur, ut in singulis diebus per duas horas Oratio mentalis exerceatur. Prima hora ante primam, & secunda hora post Completorium, & insuper ad prædictarum horarum perfectiorem expeditionem unusquisque intra Cellam suam in profundo silentio solus maneat, ante Completorium per unam horam, & ante Missam Officii, & per aliam.

Octavo. Statuitur, ut Religiosi, quam minus possint e Domo egrediantur, nec nisi a quindena in quindenam alicui licentia præbeatur.

Nono. Statuitur, ut per totum annum disciplinam habeant feria secunda, quarta, & sexta, exceptentur tamen præsignati dies, si cum solemnibus festivitibus concurrant. Monemus, necnon quod si aliquis Religiosus Divino fretus auxilio, austeriorem vitam, & carnis mortificationem vellet amplecti; ne propriæ voluntatis fere imperceptibili laqueo cingens se pereat, ante omnia Prælatum localem consulat, ejusque

nutui se subiaceat, ut alius cingat eum, & ferat quo non Satanae, sed Deo proficiat.

Decimo. Statuitur, ut nec R. P. Provincialis, nec R. P. Commissarius Visitator possint mittere ullum Religiosum, ut in supradictis Conventibus commoretur, quin prius constiterit eis de exemplari vita, & spiritu probato Religiosi commoratori, nec Praelatus localis eum commorantem habeat, nisi supposita approbatione Religiosorum etiam per vota singulorum exhibita.

Undecimo. Statuitur, ut nullus Religiosus possit eligi in praedictorum Conventuum Guardianum, quin prius laudabiliter per duos annos continuos in eis vitam eorum communem duxerit.

Duodecimo. Statuitur, ut nullus Religiosus, ob vitam improbam, poenitentia correctus, nunquam a Superioribus Praelatis ad commorandum in praefatis Conventibus mittatur.

Tertio decimo. Statuitur, ut post prandium, & cenam tam benedictio, quam gratiarum actio decanetur, ita ut post prandium ad Ecclesiam sancti Religiosi eant, prout in hac nostra Provincia consuetum est, ac deinceps recitantes Psalmum *Miserere mei &c.* regrediantur ad abstergendum scutellas, in quibus manducaverunt.

Quarto decimo. Statuitur, ut in singulis sabbatinis diebus omnes Religiosi post vespere conveniant ad scopandum Conventum, & Ecclesiam, atque tunc ad purificandum Altaria.

Quinto decimo. Statuitur, ut in singulis hebdomadibus inter Religiosos conferatur, & dilucidetur aliquod punctum mysticae Theologiae, prout moris est.

Sexto decimo. Statuitur, ne praedicti Religiosi possint Terras colere, & in eis seminare, nisi tantum unum, aut duplex parvulum spatium in congrua sustentationis subsidium, at neque id fiat, nisi ex gratis, & ad titulum paupertatis concessis, sicut decet paupertatis sanctissimae sectatores, prout in Conventu de Caños Sanctos observatur.

Decimo septimo. Statuitur, ut in Refectorio, mensae non exornentur mappis, sed duobus linteolis pauperculis pro mundicie cuiusvis Religiosi.

Decimo octavo. Statuitur, ut nemo ceterorum Religiosorum Provinciae, possit apud tres Recollectionis Conventus remanere, nisi ut per aliquos dies a R. P. Provinciali deliberandos, serio spiritualia eorum exercitia sequatur, & dum aliquis sub alio fine, ac praetextu accedat, duobus transactis diebus subito recedere compellatur.

Decimo nono. Praevemus, ut a saecularium colloquio penitus Religiosi abstrahantur, quapropter dum hospites recipere opus sit, ad devoto, & charitative eis necessaria ministrandum, dumtaxat adsit Pater Guardianus, aut Praefes, vel loco ipsorum Religiosus modestior, a Patre Guardiano destinandus, & seligendus.

Vigesimo. Statuitur, ut nemo ad habitum induendum recipiatur, quin prius in praedictis inserviendi Communicati exerceatur, si sit ad Chorum, per unum mensum, & per duos si sit ad Laicatum statum, & his peractis circa sufficientiam, & habilitatem pro statu suscipiendi singulorum vota sumantur.

§. 1. Tandem ultimo statuitur, ut numquam, qui in praestabilitis tribus Conventibus habitum susceperunt, ab eis ad ceteros Provinciae Conventus transferantur, nisi gravi urgente causa, aut pro bono communi Provinciae, verumtamen haec approbanda per Diffinitorium una cum Superioris Generalis licentia, & quicumque hanc Regulam secuti fuerint Pax super illos.

§. 2. Ac proinde pro parte eorundem Mini-

ftri Generalis, Custodis, & Diffinitorum praedictae Congregationi Cardinalium supplicato, ut trium Conventuum huiusmodi erectionem, sive assignationem, sicut praemittitur factam, necnon statuta praefata confirmaret, emanavit ab eadem Congregatione Cardinalium Decretum tenoris sequentis, videlicet -- *Sagra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium praeposita, attenta relatione Eminentissimi Cybo Ordinis Sancti Francisci apud Sanctam Sedem Protectoris, referente Eminentiss. de Laureæ, censuit suprascripta statuta esse approbanda, prout praesentis Decreti vigore approbat, atque confirmat. Roma 5. Junii 1693. -- G. Cardinalis Carpineus -- A. Altovitus Secretarius.*

§. 3. Cum autem, sicut praefati Ministri Provincialis, Custos, & Diffinitores Nobis subinde exponi fecerunt, ipsi Decretum huiusmodi, quo firmitus subsistat, & servetur exactius, Apostolicae confirmationis nostrae patrocinio communitari plurimum desiderent. Nos eorundem Exponentium votis hac in re, quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & poenis a iure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum praesentium auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus, salva tamen semper in praemissis auctoritate memoratae Congregationis Cardinalium.

§. 4. Decernentes ipsas praesentes literas semper firmas, validas, & efficaces existere, & fore suosque plenarios, & integros effectus sortiri, & obtinere, ac illis ad quos spectat, & pro tempore quaecumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Iudices Ordinarios, & Delegatos, etiam causarum Palatii Apostolici Auditores, iudicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit, Conventuum, Provinciae, & Ordinis praefatorum, etiam juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis & innovatis. Quibus omnibus, & singulis, illorum tenores praesentibus, pro plene, & sufficienter expressis, & insertis habentes, illis alias in suo robore permansuris ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut eorundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides tam in Iudicio, quam extra illud ubique locorum habeatur, quae haberetur ipsis praesentibus, si forent exhibitae, vel ostensa.

Datum Romae apud Sanctam Mariam Majorem sub Annulo Piscatoris die XV. Augusti MDCXCIII. Pontificatus nostri Anno Tertio.

Decretum  
Congregationis.

Preces Superiorum  
majorum.

Confirmatio  
relati Decreti.

Clausula.